

# Sagardo Egunaren XXV urteak erakusketa batean bildurik

**E**gun hauetan, Sagardo Egunari buruzko erakusketa topatuko duzue Sutegin. Aurten XXV. urtea beteko du Sagardo Egunak. Aurreko edizioetako irudiak aurkituko dituzue erakusketan. Ez irudiak bakarrik. Baita prentsa-oharrak, kartelak, edalontziak...

Erakusketarekin batera, XV. urteurrenean egindako laburmetraia ere etengabe egongo da ikusgai. Aurreko urteetako edalontzi grabatuak erosteko aukera ere izango dute erakusketara hurbiltzen direnek. "Sagardo Egunaren XXV urteak" izenburupean zabaldu den erakusketa hau Sagardo Egunaren Lagunak taldeak antolatu du.

Maiatzaren 1etik 21era egongo da zabalik, eta honako ordutegia izango



SAGARDO EGUNEAN ERE ZABALIK IZANGO DA ERAKUSKETA.

du: asteleheneretik ostiralera, 18:30etik 20:30era; larunbatetan, 12:00etatik 14:00etara eta 18:30etik 20:30era; eta igandetan, 12:00etatik 14:00etara.

## “Sagarrondotik dator sagardoa”, aurtengo Bertsopaper Lehiaketako gaia

**S**agardo Egunaren ospakizunekin bat egingo du aurtengo Bertsopaper Lehiaketak. Beste urte batzuetan gaia librea bazen, honakoan sagardoa izango da bertsoak idazteko zehaztu den gaia: “Sagarrondotik dator sagardoa”. Beste berrikuntzarik bada. Lehen ezinbestekoa zen usurbildarra izatea. Honakoan, Euskal Herriko 18 urtetik gorako edonork har dezake parte.

- Lehiaketa honetan Euskal Herriko 18 urtetik gorako edonork har dezake parte.

- Lanak, ekainaren 15a baino lehen, honako helbidera bidali behar dira: Usurbilgo Udala (XXX. Bertsopaper Lehiaketa) Joxe Martin Enparantza. 20170 Usurbil.

- Lanek inoiz argitaratu gabeak izan

beharko dute.

- Sariak: lehenak, 200 euro eta txapela. Bigarrenak, 150. Hirugarrenak, 100.

- Aurkeztutako lanek behar duten kalitaterik ez badute, epaimahaiak sariak eman gabe utz ditzake.

- Lanek gutxienez 8 bertso beharko dituzte eta gehienez 10. Originarekin batera, hiru kopia bidali behar dira.

- Lanak egilea nor den adieraz dezakeen daturik gabe aurkeztuko dira, izengoitiz. Lanarekin batera kartazal itxi batean partehartzailearen datu pertsonalak ipini.

- Epaimahaiaren erabakia uztailearen 1ean jakingo da Santixabel jaietako bertso saioan.

Antolatzailea: Bota Punttuba, Sagardo Egunaren Lagunak.

## Sagardoa nola bota ikasteko tailerra

**S**agardo Egunean botatzaile bezala jardun nahi duten guztientzat ikastaroa antolatu du Sagardo Egunaren Lagunak taldeak. Hau irakatsiko da: betebeharrak, ariketa praktikoak, hobetze teknikak. Maiatzaren 13an larunbata, Sutegin (arratsalde, 16:30-19:30). Ez da aurretik izena eman behar, egunean bertan Sutegin azaldu eta kito.



## Maiatzaren 12an, dastatze afaria

**A**urreko alean aipatu genuen bezala, sagardo dastatze afaria egingo da aste honetan Mahaspildegia elkartean. Izena emateko epea irekita dago eta Xabier Kamio enologoa izango da dastatze afaria gidatuko duena. Sagardo ezberdinak dastatuko dira.

Sagardo dastatze afaria Mahaspildegia elkartean egingo da maiatzaren 12an ostirala, 19:30ean hasita. Prezioa: 21 euro. Izenematea, honako telefono zenbakira deituz: 661 122 568 (17:00etatik aurrera).